



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Svmmarivm

[urn:nbn:de:hbz:466:1-62559](#)

pro, per se, vel per alium, possit pro tribunali sedere: unde per sensum contrarium colligitur, quod in loco exempto iudicia exercere non possit: idque ne validè quidem. Vel locus sive ecclesia non est plenissimè exempta, quia vel populum subiectum non habet, vel is ab Episcopo exemptus non est; adeoque Prælatus loci quasi episcopalem iurisdictionem habere non censetur. In hoc casu, vera est doctrina Friderici de Senis in consil. 2. allegata & commendata hinc à Francisco cit. n. 11. quod subditus Episcopi delinquendo in loco exempto, obligatur statuto eius: Quia priuilegia ista exemptionis, quatenus sunt præiudicatia iurisdictioni ordinariæ Episcopi, strictam interpretationem recipiunt, neque debent de casu expresso ad alios non expressos extendi, argum. c. cum capella 16. de priuilegiis. Et præberet hæc res occasionem delinquendi, turbarètque non parum diœcesalem Episcopi iurisdictionem, si ea erga Religiosorum Monasteria & Colgia, aut similia loca exempta, etiam compara- ratione subditorum in ijs delinquentium, se

non protenderet, vti per se patet. Quamobrem, si Episcopus in eiusmodi Monasterio existens, personas sibi subditas citaret, & iudicia inter eas exerceret, acta valida forent, nec possent subditi cōtra processum excipere: sed vt licet ac conuenienter hæc fiant, requiritur consensus Abbatis loci. Quæ doctrina sumitur ex c. luminoso 6. causa 18. q. 2. & traditur à Gl. in Clem. vn. ver. aut earum parte, de foro competit. Et ab hac sententia non discrepat P. Suarez cit. loco: solum enim dicere intendit, Monasteria & ecclesiæ Religiosorum exemptorum, non esse omnino ac plenissimè exempta; & non tam per se ac ratione sui, quam personarum priuilegiatarum inhabitantium. Adeo quidè, vt si accidat, Religiosos locum seu ecclesiæ deserere, aut in Religiosos vel Clericos non exemptos transferēdo alienare, ea haud dubiè sub iurisdictionem Episcopi recasura sit: quia sublato principali, tollitur accessoriū; sive, sublato eo, quod est per se, tollitur etiam id, quod est per accidens.

TITVLVS III. DE RESCRIPTIS.

SVMMARIVM.

1. Rescriptum vim constitutionis & legis obtinet.
2. Et si propriè accipitur, est datum à Principe responsum, ad alterius consultationem suggestionem aut petitio- nem.
3. Differit ab oraculo, epistolâ decretalî, & priuilegio seu bulla gratie, in quo? Rescripta alia generalia sunt, que omnes subditos obligant; alia specia- lia, que ius faciunt inter partes, & in negotiis, pro quibus emanarunt.
4. Rescriptum aliud est secundum leges communes, & propriè Rescriptum dicitur; aliud contra illas, & vocatur

- priviliegium; aliud denique præter eas, & dicitur gratia seu beneficium Principiis.
5. Similis dñisio est in Rescriptum iustitia, & gratia seu beneficii.

Recet post Constitutiones sive leges, de rescriptis Principum tractatur. Nam ea vim legis obtinere ait Vlpianus in l. 1. ff. de Constit. Principum, *Quod Principi placuit, legis habet vigorem.* Veruntamen ex seq. §. eiusd. l. colligitur, Vlpianum legis vocabulum latè accepisse, pro quacunque constitutione, iussione, aut sententia robur habente secundum plenam Principis, à quo proficiuntur, potestatem:

H 3. Inquit

Inquit enim, *Planè ex his (constitutionibus) quedam sunt personales, nec ad exemplum trahuntur: cùm tamen dictæ leges commune, & ad omnes pertinens præceptum continere debeant, l. i. & seqq. ff. de legibus, & dixi suprà in c. i. tit. præced. In antiquis.*

2 Pro maiore intellectu, aduertendum primò, Rescriptum Principis, si propriè accipiatur, aliud non esse, quām à Principe in scripto datum responsum, ad alterius consultationem, suggestionem, aut petitionem. Quare differt ab oraculo, quod viuæ vocis responsum est: Deinde differt ab epistola decretali & priuilegio, seu bulla gratiæ; quod hæc non semper dentur ad alterius petitionem, vel suggestionem: sed interdum proprio motu Principis, nullaque præcedente petitione.

3 Aduertendum secundò; Rescripta seu responsa Principis, alia generalia sunt, & alia specialia. Generalia sunt, quæ vim obligandi erga omnes, seu in omni loco subiecto habent; Vel quia eà mente primitus data sunt, l. 3. §. Diuus Adrianus, ff. de sepulchro violato, & exemplū est in l. vlt. C. de temp. in integr. restitutionis: Vel quia postea in corpus iuris cum auctoritate redacta, atq; omnibus proposita sunt, vt vim legum seu decretorū haberent, yt constat ex præfat. Gregor. IX. Papæ super quinque libr. decret. & cap. i. d. 20. & annotauit Bartol. in l. i. ff. de constit. Princip. & videri possunt quæ dixi tit. præced. in c. i. n. 6. Specialia autem rescripta, seu responsa sunt, quæ cum respectu ad certam causam, personas, locum, vel tempus emanarunt, iuxta c. i. d. 29. neque maiorem postea extensionem acceperunt. Et de his sermo est in l. 2. C. de legibus, vbi dicuntur, quod responsa Principis ad relationes & suggestiones Iudicū in certo negotio, sicuti & priuilegia, seu concessiones factæ alicui prouince, ciuitati, aut Curiae, generalia iura non sint, sed leges faciant his duntaxat negotiis, ac personis, pro quibus fuerunt promulgata.

4 Aduertendum tertio: Rescriptum Principis aliud esse secundum leges communes,

quod nomen rescripti strictè & propriè sibi vendicat: De his sermo est in l. penult. C. de precibus Imperatori offerendis, quod rescripta Principis contra ius elicita ab omnibus Iudicibus refutari conuenit. Aliud verò est contra communes leges, & dicitur priuilegium, quasi priuata lex, in favorem ac iucius specialiter data, c. 3 d. 3. Aliud denique est rescriptum præter legem, quod dicitur gratia seu beneficium Principis. Quamquam, ut suprà dixi, gratia, & priuilegium latius etiam patent, quām rescriptū propriè & strictè acceptum, Id enim requirit, suggestionem seu petitionem præcessisse: At verò gratia & priuilegium interdum datur proprio motu & nullâ præcedente petitione, vt suprà dixi. Interim verò nihil prohibet, quin clausula motus proprii apponatur propriè dicto rescripto, si videlicet antecessit petitio, sed Pontifex non eam ex ea, quām ex sua gratia & liberalitate mouetur ad concedendum, vt videtur est apud Petr. Rebuffum in praxi benefic. tit. de clausulis mandator. n. 2.

Similis diuisio est, quod rescriptum aliud est iustitiae, seu tendens ad iustitiae administrationem idque plerumque esse sollet ad lites iudicarias, si videlicet partibus in iudicio contendentibus, ad controversiæ terminationem Princeps secundum iura rescribat. Aliud verò est rescriptum gratiæ, seu beneficii, quod ex mera Principis liberalitate in favorem alicuius, contra, aut præter commune ius conceditur: Et hæc vel gratiæ absolutæ sunt, in nullius grauamen cedentes, de quibus sermo est in suprà cit. l. penult. C. de precibus Imper. offerendis, si sit aliquid, quod non ladar alium, & proficerenti, vel crimen supplicabilis indulget, seu condonet. Vel gratiæ respectuæ, & cum alterius onere, aut iuris aliquo præiudicio iunctæ. Tametsi verò istæ gratiæ, seu priuilegia, præsertim si nullâ antecedente petitione, motu proprio procedant, nō propriè rescripta dici debeant, latè nomen eo nomine etiam comprehenduntur, prout Abbas annotauit in rubr. huius tit. dicens, ita hic accipi, quia sub hoc titulo de rescriptis tracta-

tractatur etiam de priuilegijs, & rescriptis
beneficialibus. Videri etiam potest Rebuff.
in praxi· benef. p. i. tit. de differ, inter rescri-
pta gratiae, & iustitiae, & in tract. de rescript.
& literis regijs in præfat. n. 11. & seqq. Petr.
Greg. Tholofanus lib. 1. de rescript. cap. 2.
diuīs. 3.

CAPITVLVM I.

Sicut Romana.

PARAPHRASIS.

Titio à Sede Apostolica generaliter con-
cessa fuit licentia appellandi: postea ve-
rò Pontifex causam, quæ inter Titium &
Caium erat, Iudicibus delegatis, sublato
appellationis remedio, commisit: sed Ti-
tius postea à sententia Iudicium appellauit. Hoc casu respondit Alexander III.
appellationem illius admittendam non
esse: quia speciale rescriptum de non ad-
mittenda appellatione in certa causa de-
rogat generali rescripto, seu priuilegio
appellandi à Iudicibus.

SVMMARIVM.

1. Potest Papa, & quilibet supremus Princeps (solutus tamen) iudici delegare causam, sublato appellationis remedio.
2. Potest etiam Princeps alicui per priuilegium concedere, ut ei liberè appellare liceat.
3. Priuilegium, si fieri potest (vti potest in predicto priuilegio) ita explicandum est, ut aliquid ultra ius communne tribuat.
4. Mandatum speciale derogat generali.
5. Et si mandatum sit lex generalis, ei derogat lex specialis, sive hac sequatur, sive procedat.
6. Legi generali non derogat rescriptum iustitiae ei contrarium.
7. Derogatur ei per priuilegium sive latè acceptum, quod est contra ius seu com-

- munem legem; quod est prater vel ul-
tra ius, priuilegium est latè acceptum.
8. Priuilegium (latè acceptum) generale
derogatur & limitatur per speciale
rescriptum, seu aliàs concessum priu-
ilegium.
9. Rescripto generali, sive iustitia sit, se-
ue gratia, aut beneficiale, derogatur
per alterum speciale; quod tamen cum
limitatione intelligendum.
10. Non valet Rescriptum à Pontifice, nec
executioni mandari debet, per quod il-
legitimo confertur Canonicatus Ec-
clesie; in qua statuum vigeret, vt ne-
mo illegitimus Canonicus instituatur,
nisi huius specialis mentio fiat, aut re-
scripto inserta sit clausula derogato-
ria.

NO T A N D V M I. Rom. Pontifex, tan-
quam supremus Iudex in rebus ec-
clesiasticis, potest Iudici causam delegare,
sublato appellationis remedio. Sed id præ-
ter Principem seu supremum iudicem, ne-
mini alteri concessum esse, constat ex c. su-
per quæstionum 27. iun. Gl. ver. prouocatio-
nis, de off. delegati, l. 1. §. Interdum, ff. A qui-
bus appellare non licet, & videri potest Gl.
in c. vlt. ver. figura, de haeret. in 6. quod infe-
rior Princeps, etiam Legatus, non possit
concessa alicui iuris remedia auferre,

NO T A N D V M II. Princeps alicui per
priuilegium concedere potest, vt liberè ei
appellare liceat: Ita aperte colligitur ex
textu cit. Sed est difficultas, quam hic mo-
uet Gl. ver. vt liberè. Priuilegia enim ita
concedi debent, vt quipiam operentur, id-
eoque aliquid tribuant, quod iure communi
concessum non est, vti constat ex l. 1. C. de
thesauris lib. 10. & c. in his 30. de priuil. vbi
id tradit Gl. communiter recepta ver. ex
indulgentia. Atqui communi iure omni-
bus remedium appellationis concessum est;
maximè in causis ecclesiasticis ad Rom. Pon-
tificem c. de appellationibus 11. c. super eo
12. de appellat. Ergo inutile fuit priuile-
gium seu indultum à Sede Apostolica Titio
datum, vt liberè appellare liceat.

Duplex